



An Bhruiséil, 1 Meitheamh 2023
(OR. en)

9981/23

Comhad Idirinstitiúideach:
2023/0120(NLE)

SCH-EVAL 114
VISA 113
COMIX 260

TORADH NA nIMEACHTAÍ

Ó: Ardrúnaíocht na Comhairle

An: 30 Bealtaine 2023

chuig: na toscaireachtaí

Uimh. an doic.
roimhe seo: 9245/23

Ábhar: Cinneadh Cur Chun Feidhme ón gComhairle lena leagtar amach moladh maidir le haghaidh a thabhairt ar na heasnaimh a sainaitníodh sa mheastóireacht a rinneadh ar an bhFrainc in 2022 maidir le cur i bhfeidhm *acquis* Schengen i réimse an **chomhbheartais víosaí**

Gheobhaidh na toscaireachtaí, i gceangal leis seo, an Cinneadh Cur Chun Feidhme ón gComhairle lena leagtar amach moladh maidir le haghaidh a thabhairt ar na heasnaimh a sainaitníodh sa mheastóireacht a rinneadh ar an bhFrainc in 2022 maidir le cur i bhfeidhm *acquis* Schengen i réimse an chomhbheartais víosaí, arna ghlacadh ag an gComhairle ag an gcrúinniú a bhí aici an 30 Bealtaine 2023.

I gcomhréir le hAirteagal 15(3) de Rialachán (AE) Uimh. 1053/2013 ón gComhairle an 7 Deireadh Fómhair 2013, cuirfear an moladh seo ar aghaidh chuig Parlaimint na hEorpa agus chuig na parlaimintí náisiúnta.

Cinneadh Cur Chun Feidhme ón gComhairle lena leagtar amach

MOLADH

maidir le haghaidh a thabhairt ar na heasnaimh a sainaitníodh sa mheastóireacht a rinneadh ar an bhFrainc in 2022 maidir le cur i bhfeidhm *acquis* Schengen i réimse an chomhbheartais víosaí

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1053/2013 ón gComhairle an 7 Deireadh Fómhair 2013 lena mbunaítear sásra meastóireachta agus faireacháin chun cur i bhfeidhm *acquis* Schengen a fhíorú agus lena n-aisghairtear an Cinneadh ón gCoiste Feidhmiúcháin an 16 Meán Fómhair 1998 lena mbunaítear Buanchoiste um measúnú agus cur chun feidhme Schengen¹, agus go háirithe Airteagal 15(3) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Rinneadh meastóireacht Schengen i réimse an chomhbheartais víosaí i leith na Fraince i mí Dheireadh Fómhair 2022. Tar éis na meastóireachta, le Cinneadh Cur Chun Feidhme C(2023) 830 ón gCoimisiún glacadh tuarascáil ina bhfuil na torthaí agus na measúnuithe agus ina liostaítear na dea-chleachtais agus na heasnaimh a sainaitníodh le linn na meastóireachta.

¹ IO L 295, 6.11.2013, lch. 27.

- (2) Ba cheart moltaí a dhéanamh maidir le gníomhaíochtaí ceartaitheacha a bheidh le déanamh ag an bhFrainc chun aghaidh a thabhairt ar easnaimh a sainithníodh mar chuid den mheastóireacht. I bhfianaise a thábhachtaí atá cur chun feidhme cuí na bhforálacha a bhaineann le hiarratais ar víosa a thaisceadh; le huainiú chruthú na gcomhad iarratais sa Lárchóras Faisnéise Víosaí agus leis na comhairliúcháin is gá a sheoladh; le húsáid na foirme iarratais aonfhoirmí ar víosa; le staid na foirne agus le hiarratais ar víosa a stóráil go slán, i measc nithe eile, ba cheart tús áite a thabhairt do chur chun feidhme mholtaí 1, 4, 5, 10, 17, 18, 22 agus 23 sa Chinneadh seo.
- (3) Ba cheart an Cinneadh seo a tharchur chuig Parlaimint na hEorpa agus chuig parlaimintí náisiúnta na mBallstát.
- (4) Tá feidhm ag Rialachán (AE) 2022/922¹ ón gComhairle ón 1 Deireadh Fómhair 2022. I gcomhréir le hAirteagal 31(3) den Rialachán sin, ba cheart na gníomhaíochtaí leantacha agus faireacháin a bhaineann leis na tuarascálacha meastóireachta agus na moltaí a dhéanamh i gcomhréir le Rialachán (AE) 2022/922, ag tosú le tiolacadh na bpleananna gníomhaíochta.
- (5) Laistigh de 2 mhí ó ghlacadh an Chinnidh seo, ba cheart don Fhrainc, de bhun Airteagal 21(1) de Rialachán (AE) 2022/922 ón gComhairle, plean gníomhaíochta a bhunú chun na moltaí uile a chur chun feidhme chun na heasnaimh a sainithníodh sa tuarascáil mheastóireachta a leigheas. Ba cheart don Fhrainc an plean gníomhaíochta sin a sholáthar don Choimisiún agus don Chomhairle.

AG MOLADH:

go ndéanfadh an Fhrainc an méid a leanas:

Ginearálta

¹ Rialachán (AE) 2022/922 ón gComhairle an 9 Meitheamh 2022 maidir le bunú agus oibriú sásra meastóireachta agus faireacháin chun cur i bhfeidhm *acquis* Schengen a fhíorú, agus lena n-aisghairtear Rialachán (AE) Uimh. 1053/2013, IO L 160, 15.6.2022, lch. 1.

- (1) a áirithiú gur féidir le hiarratasóirí ar víosa a n-iarratas a thaisceadh laistigh de 2 sheachtain ón dáta a iarradh an choinne, cuir i gcás trí dhlús a chur leis na hiarrachtaí chun an fhoireann a bhfuil baint acu le próiseáil víosaí Schengen a threisiú agus chun teagmháil a dhéanamh leis an soláthraí seirbhíse seachtrach / na soláthraithe seirbhíse seachtracha maidir leis an gcaoi leis an am feithimh a laghdú le haghaidh coinní i gcás inarb ann do mhóilleanna (go príomha) de dheasca ganntanas foirne de chuid na soláthraithe seirbhíse seachtracha;
- (2) a áirithiú, e.g. tríd an bhfoireann ag na consalachtaí atá faoin mbrú is mó a threisiú, ar a laghad go sealadach, nach mbeidh am próiseála na n-iarratas ar víosa níos faide ná 45 lá féilire agus nach gcuirfear síneadh níos faide ná 15 lá leis ach amháin i gcásanna aonair, go háirithe nuair is gá grinnscrúdú breise a dhéanamh ar an iarratas;
- (3) gan an Córas Faisnéise Víosaí a cheadú agus iarratais ar víosa fadhfhanachta á scrúdú, go dtí go dtiocfaidh Rialachán (AE) 2021/1134 i bhfeidhm¹ (an Rialachán maidir leis an gCóras Faisnéise Víosaí a athchóiriú);
- (4) a áirithiú gur foireann na gconsalachtaí atá údaraithe go cuí a dhéanfaidh seiceálacha ar bhonn córasach ar an inghlacthacht agus nach mbeidh aon chomhad neamh-inghlactha sa Lárchóras Faisnéise Víosaí;
- (5) a áirithiú nach seolfar na comhairliúcháin ach amháin nuair atá na seiceálacha cáilíochta sonraí is gá déanta ag foireann na consalachta tar éis do na hiarratais a bheith measta mar inghlactha;
- (6) a áirithiú go n-úsáidfeadh VIS Mail chun sonraí maidir le hiarratasóirí a mhalartú agus nach gcuirfidh fadhbanna teicniúla (teachtaireachtaí earráide) bac ar úsáid an chórais;
- (7) a áirithiú gur féidir sonraí sa Chóras Faisnéise Víosaí a leasú agus a scríosadh leis an gcóras TF um próiseáil víosaí fiú amháin tar éis cinneadh a bheith déanta maidir le hiarratas;

¹ *IO L 248, 13.7.2021, lgh. 11–87.*

- (8) a áirithiú go leasófar an cinneadh sa chomhad iarratais atá ann cheana sa Chóras Faisnéise Víosai, i gcás ina gcuirfear diúltú víosa ar neamhní sa nós imeachta achomhairc agus ina rialófar ag an gcéim níos airde go n-eiseofar an víosa; nó, mar mhalairt air sin, leanúint de chomhad iarratais nua a chruthú le haghaidh na gcásanna sin, ach a áirithiú go scriosfar an bunchomhad ón Lárchóras Faisnéise Víosai;
- (9) a áirithiú go gcomhfhreagróidh ábhar an leagain ar líne (ar an tairseach ‘France-Visas’) go hiomlán don leagan is déanaí den fhoirm iarratais aonfhoirmeach;
- (10) staonadh ó fhaisnéis bhreise a bhailiú ar an bhfoirm ar líne chun críoch náisiúnta, fiú nuair nach mbíonn an fhaisnéis bhreise arna bailiú ar asphrionta na foirme ar líne;
- (11) feabhas a chur ar struchtúr na hadmhála clárúcháin a ghintear le ‘France-Visas’ ionas go mbeidh an fhoireann ag an soláthraí seirbhíse seachtrach in ann a chinneadh go héasca cé na doiciméid atá cineálach agus a bhfuil gá leo sna cásanna uile agus cé na doiciméid atá faoi réir chuspóir an turais nó imthosca eile; idir an dá linn, oiliúint a chur ar an bhfoireann ag an soláthraí seirbhíse seachtrach maidir leis an mbrí ba cheart a bhaint as an ‘admháil Clárúcháin’;
- (12) feabhas a chuir ar an gcóras TF náisiúnta chun go mbeidh baill foirne na consalachta in ann na sonraí maidir le hiarrataí a mhodhnú, más gá agus seiceálacha cáilíochta sonraí a ndéanamh acu;
- (13) staidéar a dhéanamh ar bhealaí chun feabhas a chur ar fheidhmiúlachtaí an chórais náisiúnta TF ionas go bhféadfadh sé a bheith ina uirlis chabhrach chun an sreabhadh oibre ag na consalachtaí a shocrú ar bhealach níos fearr;
- (14) féachaint an bhféadfaí feidhmiúlachtaí nua a thabhairt isteach ionas go bhféadfadh na consalachtaí tuarascálacha agus staitisticí ábhartha a ghiniúint iad féin;

Dacár

- (15) a mhéid a bhaineann leis an soláthraí seirbhíse seachtrach,
- (a) a áirithiú go mbeidh an ionstraim dhlíthiúil (conradh) a síníodh i nDacár i gcomhréir le forálacha Rialachán (CE) Uimh. 810/2009¹ (an Cód Víosáí: anseo feasta) agus Iarscríbhinn X, go háirithe a mhéid a bhaineann le sonraí pearsanta a chosaint;
 - (b) treoir a thabhairt don soláthraí seirbhíse seachtrach athbhreithniú a dhéanamh ar an liosta scrollú síos de na cineálacha víosaí ina chóras áirithe agus féachaint ar na cúiseanna a seoltar teachtaireachtaí earráide ón ardán;
 - (c) príobháideacht leordhóthanach a áirithiú ag na cuntair tríd an scaradh fisiciúil eatarthu a threisiú;
 - (d) feabhas a chur ar an gcóras ticéadaithe agus a áirithiú go nglaofar iarratasóirí ar víosa teacht chuig na cuntair de réir uimhir a dticéad;
 - (e) treoir a thabhairt don soláthraí seirbhíse seachtrach míniú iomchuí a thabhairt do na hiarratasóirí maidir leis an bpróiseas iarratais ar víosa agus maidir leis na doiciméid atá ábhartha do na hiarratasóirí agus féachaint an bhféadfaí lámhleabhar oiliúna a tharraingt suas i ndáil leis sin;
 - (f) an meaisín ticéadaithe a dheisiú le haghaidh an chuntair bithmhéadrachta agus an chuntair íocaíochta;
- (16) staonadh ó idirdhealú a dhéanamh ar bhonn chuspóir an turais nuair atáthar ag tabhairt coinní;
- (17) Airteagal 9 den Chód Víosáí a chur i bhfeidhm i gcás iarratais a thaisctear níos déanaí ná 15 lá roimh thús na cuairte atá beartaithe;

¹ *IO L 243, 15.9.2009, lgh. 1–58*

- (18) athbhreithniú a dhéanamh ar an sreabhadh oibre chun na hiarratais a chinneadh agus tús áite a thabhairt dóibh agus a áirithiú, mar riail, go leanfadh próiseáil an iarratais seicheamh an dáta a cuireadh isteach é nó inghlacthacht an iarratais, agus gan dáta an turais atá beartaithe nó gnéithe eile (e.g. cáilíocht an iarratais, cuspóir an turais) a úsáid ach amháin i gcásanna a bhfuil údar cuí leis sin;
- (19) a áirithiú go ndéanfar agallaimh nuair nach féidir cinneadh a bhfuil bunús maith leis a dhéanamh chun víosa a eisiúint nó chun an t-iarratas a dhiúltú de bharr scrúdú an iarratais ar víosa atá bunaithe ar an bhfaisnéis agus ar an doiciméadacht atá ar fáil;
- (20) teorainn a chur leis an rochtain dhíreach nó indíreach ar an gCóras Faisnéise Víosaí atá ag an bhfoireann atá ag próiseáil iarratais ar víosa ghearrfhanachta;
- (21) feabhas a chur ar an scrúdú a dhéantar ar iarratais a chuireann náisiúnaigh den Ghaimbia isteach trí oiliúint níos fearr a chur ar an bhfoireann maidir le sainiúlachtaí na n-iarratasóirí sin agus na ndoiciméad tacaíochta atá acu agus, nuair is ábhartha, trí thuilleadh agallamh a chur ar siúl;
- (22) líon an lucht cinnteoireachta easaoránach ag an gconsalacht i nDacár a mhéadú;
- (23) a áirithiú nach stórálfar na hiarratais ina bhfuil doiciméid taistil i gconairí na roinne víosaí agus go stórálfar go sábháilte iad nuair nach bhfuil an fhoireann á bpróiseáil (e.g. i seomra/clóiséad faoi ghlas);
- (24) próiseas trédhearcach a bhunú chun gearáin a láimhseáil, a áirithiú go gclárófar na gearáin uile agus faisnéis ábhartha a sholáthar don phobal maidir leis an nós imeachta um ghearán.

Arna dhéanamh sa Bhruiséil,

Thar ceann na Comhairle

An tUachtarán